



REPUBLIKA E SHQIPËRISË
ENTI RREGULLATOR I ENERGJISË
BORDI

VENDIM

Nr. 14, Datë 20.01.2021

MBI

RINOVIMIN E LICENCËS SË SHOQËRISË “ENERGY SUPPLY - AL” SH.P.K., NR 115/310, SERIA F11/FK15, NE VEPRIMTARINË E FURNIZIMIT TË ENERGJISË ELEKTRIKE, MIRATUAR ME VENDIMIN E BORDIT TË KOMISIONERËVE TE ERE-S NR. 5, DATË 02.02.2011, DHE RINOVUAR ME VENDIMIN NR. 123, DATË 14.10.2015

Në mbështetje të nenit 16 dhe nenit 37, pika 2, germa “ç”, të Ligjit nr. 43/2015 “Për sektorin e energjisë elektrike”, i ndryshuar; nenit 4, pika 1, germa “d”, nenit 5, pika 1, germa “d”, nenit 8, nenit 9, nenit 13, si dhe nenit 16 të Rregullores për procedurat dhe afatet për dhenien, modifikimin, transferimin, rinovimin ose heqjen e licensave në sektorin e energjisë elektrike, miratuar me vendimin e Bordit të Entit Rregullator të Energjisë (ERE) nr. 109, datë 29.06.2016, e ndryshuar; nenit 15 të Rregullores për organizimin, funksionimin dhe procedurat e ERE-s, miratuar me vendimin e Bordit të ERE nr. 96 datë 17.06.2016, Bordi i ERE, në mbledhjen e tij të datës 20.01.2021, mbasi shqyrtoi relacionin e Drejtorisë së Licencimit, Autorizimeve dhe Mbikëqyrjes me nr. 9/2 prot., datë 14.01.2021, “Mbi rinovimin e licencës së shoqërisë “ENERGY SUPPLY - AL” sh.p.k., nr. 115/310, seria F11/FK15, në veprimtarinë e furnizimit të energjisë elektrike, miratuar me Vendimin e Bordit të Komisionerëve të ERE nr. 5, datë 02.02.2011 dhe rinovuar me Vendimin nr. 123, datë 14.10.2015”,

Konstatoi se:

- Bordi i ERE-s me vendimin nr. 194, datë, 26.11.2020, vendosi të fillojë procedurën për rinovimin e licencës së shoqërisë “ENERGY SUPPLY – AL” sh.p.k, nr. 310, seria F11/FK15, në veprimtarinë e furnizimit të energjisë elektrike, miratuar me vendimin e Bordit të Komisionerëve të ERE-s, nr. 5, datë 02.02.2011 dhe rinovuar me vendimin e Bordit të Komisionerëve të ERE-s nr. 123, datë 14.10.2015, për një afat 5-vjeçar, duke filluar nga data 04.02.2021.
- Në vijim të kësaj vendimmarrjeje u krye njoftimi në median e shkruar përmes shkresës me nr. 62/40 prot., datë 28.11.2020, dhe në përfundim të afatit të përcaktuar në nenin 10, pika 11, të “Rregullores për procedurat dhe afatet për dhënien, modifikimin, transferimin, rinovimin dhe heqjen e licensave në sektorin e energjisë elektrike”, më datë 10.12.2020, nuk rezultoi të ketë vërejtje apo ankesa nga palët e treta, lidhur me aplikimin e bërë nga shoqëria “ENERGY SUPPLY - AL” sh.p.k.

- Me vendimin e Bordit të ERE-s nr. 247, datë 21.12.2020, u vendos të zgjatet me 20 ditë pune afati i vendimmarrjes në lidhje me kërkesën e shoqërisë “ENERGY SUPPLY - AL” sh.p.k, për rinovimin e licencës nr. 310, seria F11/FK15, në veprimtarinë e furnizimit të energjisë elektrike.
- ERE njoftoi shoqërinë për vendimin e Bordit nr. 247/2020, nëpërmjet shkresës nr. 1185/3 prot., datë 23.12.2020, dërguar me emailin e datës 24.12.2020 dhe të datës 29.12.2020, duke i risjellë sërish në vëmendje plotësimin e dokumentacionit të konstatuar të munguar apo informacionit shtesë.
- Me e-mail te datës 25.12.2020 dhe 31.12.2020, shoqëria ka depozituar në ERE dokumentacionin përkatës.
- Shoqëria ka kryer pagesën e aplikimit ne ERE, sipas përcaktimeve të Aneksit A të “Rregullores për procedurat dhe afatet për dhënien, modifikimin, transferimin, rinovimin dhe heqjen e licensave në sektorin e energjise elektrike. Rezulton se shoqëria “ENERGY SUPPLY – AL” sh.p.k ka kryer të gjitha pagesat e rregullimit ndër vite dhe për vitin 2019, ndaj ERE-s.
- Dokumentacioni i aplikimit është kryesisht i plotësuar dhe dokumentacioni që mbetet ende pa u plotësuar apo i vlerësuar si i plotësuar pjesërisht nga ana e shoqërisë është si vijon:

Dokumentat juridike, administrative dhe pronësore

Neni 9, pika 2

- **germa “d”** «Vërtetim që shoqëria dhe drejtuesit kryesorë të saj në rastin e personave juridikë, nuk janë të përfshirë në një proces penal të filluar nga organet e drejtësisë (vërtetim nga prokuroria dhe gjykata)». **Plotësuar pjesërisht.**

Shoqëria duhet të depozitohet në ERE vërtetimet përkatëse të përfaqësuesit me prokurë.

Neni 16, pika 1

Dokumentat financiare dhe fiskale, sipas nenit 9, pika 3

- **germa “c”** «Dokumenta që vërtetojnë aftësinë dhe/ose mbështetjen financiare të aplikuesit, ku shprehen qarte vlerat monetare për financimin dhe struktura e financimit (financim i vetë aplikuesit, kredi bankare, donacion, të tjera, etj.)» **Plotësuar pjesërisht.**

Dokumentacioni i depozituar nga shoqëria nuk plotëson tërësisht kërkesat e kësaj pike të rregullores, pasi nuk është i shoqëruar me dokumentacion vërtetues ku të shprehen qartë vlerat monetare, aftësia paguese e shoqërisë mëmë që ka marrë përsipër të paguajë detyrimet e shoqërisë “ENERGY SUPPLY – AL” sh.p.k apo struktura e financimit.

Dokumentacioni teknik për veprimtarinë e furnizimit të energjisë elektrike

Neni 9, pika 4.7

- **germa “b”** «Kapitali financiar (i shprehur në vlera monetare) i parashikuar për ushtrimin e kësaj veprimtarie, i shoqëruar me vërtetim nga banka apo institucione të tjera financiare të njohura me ligj)». **Plotësuar pjesërisht.**

Shoqëria ka deklaruar kapitalin e parashikuar për ushtrimin e veprimtarisë dhe të gjitha garancitë dhe deklaratimet financiare në rast se do të duhen do të paraqiten nga Banka dhe nga shoqëria mëmë “ENERGY SUPPLY EOOD” Bullgari.

Sa konstatuar, dokumentacioni i paraqitur nga shoqëria në vijim të këtij planifikimi nuk plotëson tërësisht kërkesat e kësaj pike të rregullores, pasi nuk është i shoqëruar me dokumentacion vërtetues të aftësisë paguese apo disponimit të kësaj shume nga shoqëria mëmë e cila ka marrë përparësi të paguajë detyrimet e shoqërisë “ENERGY SUPPLY – AL” sh.p.k.

- **germa “e”** (Sistemin IT të krijuar për veprimtarinë e furnizimit të energjisë elektrike apo marrëveshje me të tretët për vënien në dispozicion/përdorimin e këtij shërbimi). **Plotësuar pjesërisht.**

Bazuar te kjo kërkesë e rregullores, edhe pse shoqëria ka deklaruar se nuk e disponon tani një sistem IT, vlerësohet se pavarësisht sa deklaruar, ajo është e detyruar ta depozitojë në ERE këtë dokumentacion para fillimit të ushtrimit të kësaj veprimtarie.

- **germa “g”** (Dokumentacion që vërteton aftësinë e disponimit të zyrave përfaqësuese të furnizuesit, për shërbimet që do t’i ofrohen klientëve). **Plotësuar pjesërisht.**

Bazuar te kjo kërkesë e rregullores, edhe pse shoqëria ka deklaruar se aktualisht nuk ka një zyrë përfaqësimi për furnizuesit, ajo është e detyruar të depozitojë në ERE dokumentacionin përkatës që vërteton aftësinë e disponimit të kësaj zyre para fillimit të ushtrimit të veprimtarisë së furnizimit.

- Për dokumentacionin e konstatuar si më sipër, duke marrë parasysh dhe rrethanat dhe kufizimet e krijuara për shkak të pandemisë COVID-19, siç edhe bërë me dije nga shoqëria se për shkak të pamundësisë së lëvizjes dhe depozitimit të çdo dokumenti të munguar, vlerësojmë që t’i lihet si kusht shoqërisë që ta plotësojë atë përpara fillimit të ushtrimit të veprimtarisë së licencuar.

Për gjithë sa më sipër cituar, bordi i ERE-s,

Vendosi:

1. Të rinovojë licencën e shoqërisë “ENERGY SUPPLY –AL” sh.p.k, me nr. 115/310, Seria F11/FK15, në veprimtarinë e furnizimit të energjisë elektrike, miratuar me vendimin e Bordit të Komisionerëve të ERE-s, nr. 5, data 02.02.2011 dhe rinovuar me vendimin e Bordit të Komisionerëve të ERE-s nr. 123, datë 14.10.2015, për një afat 5-vjeçar, duke filluar nga data 04.02.2021, me kusht që përpara fillimit të ushtrimit të veprimtarisë së licencuar të depozitojë në ERE:
 - a) Vërtetimet përkatëse të gjykatës dhe prokurorisë për përfaqësuesin me prokurë.
 - b) Dokumentacion vërtetues ku të shprehen qartë vlerat monetare dhe aftësia paguese e shoqërisë mëmë që ka marrë përsipër të mbështesë shoqërinë “ENERGY SUPPLY – AL” sh.p.k apo strukturën e financimit.

- c) Sistemin IT të krijuar për veprimtarinë e furnizimit të energjisë elektrike apo marrëveshje me të tretët për vënien në dispozicion/përdorimin e këtij shërbimi.
 - d) Dokumentacion që vërteton aftësinë e disponimit të zyrave përfaqësuese të furnizuesit, për shërbimet që do t'i ofrohen klientëve.
2. Ky vendim është objekt rishikimi nga ERE pasi të analizohet dokumentacioni i përcjellë nga shoqëria sipas kërkesave të pikës 1 të këtij vendimi.
 3. Drejtoria e Licencimit, Autorizimeve dhe Mbikëqyrjes, të njoftojë aplikuesin për vendimin e bordit të ERE-s.

Ky vendim hyn në fuqi menjëherë.

Për këtë vendim mund të kërkohet rishikim në ERE brenda 7 ditëve kalendarike si dhe mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare. Ky vendim botohet në Fletoren Zyrtare.